

Bosna i Hercegovina

Federacija Bosne i Hercegovine

TUZLANSKI KANTON

KANTONALNI SUD U TUZLI

Broj: 003-0-Su-24-000 658

Datum, 18. juli 2024. godine

**STATISTIČKI IZVJEŠTAJ O POŠTIVANJU OPTIMALNIH I PREDVIDIVIH ROKOVA
U PERIODU OD 01.01.2024. GODINE DO 30.06.2024. GODINE**

U skladu sa članom 15. stav 1. Pravilnika o vremenskim okvirima za postupanje po predmetima u sudovima i tužilaštvima u Bosni i Hercegovini, a shodno Odluci o predvidivim rokovima Kantonalnog suda u Tuzli, dostavljamo Vam statistički izvještaj o poštivanju optimalnih i predvidivih rokova za prvih šest mjeseci 2024. godine.

Analiza pokazatelja iz statističkog izvještaja o poštivanju optimalnih i predvidivih rokova:

Statistički izvještaj o poštivanju optimalnih i predvidivih rokova iz CMS-a dostavlja se u prilogu obzirom da je isti u Pdf formatu.

Analizom navedenih pokazatelja konstatovano je da je do prekoračenja predvidivih rokova došlo na drugostepenom privrednom referatu i vanparničnom referatu, ali da to prekoračenje nije bilo u značajnom broju dana, jer se obzirom na veći broj sudija sada predmeti rješavaju u kraćim vremenskim rokovima. U Kantonalnom sudu u Tuzli na početku izvještajnog perioda tj. sa 01.01.2024. godine na svim referatima bilo je ukupno neriješenih 4.646 predmeta. U izvještajnom periodu, za prvih 6 mjeseci primljeno je na svim referatima 1.951 predmet, tako da je ukupno u radu bilo 6.597 predmeta, što znači da su sve sudije u ovom periodu bile radno angažovane svaki bi sudija u prosjeku bio zadužen sa 219 predmeta, što je značajno manje u odnosu na prošlu godinu. Zbog odsustva sudija usljed bolovanja nije bilo moguće smanjiti broj predmeta kako je sud planirao, ali ćemo to nastojati u narednom periodu. U prvih šest mjeseci 2024. godine na svim referatima riješeno je 3.019 predmeta i od tog broja u optimalnom roku riješeno je 981 predmet, u predvidivom roku 2.777 predmeta i sa prekoračenjem predvidivog roka 242 predmeta i to u 116 drugostepenih privrednih predmeta, 98 vanparničnih predmeta, 17 zemljišno – knjižnih predmeta i sa neznatim prekoračenjem do četiri dana u predmetima upravnog spora i postupka po žalbi na presude donesene u krivičnim predmetima.

Najveće prekoračenje predvidivog roka bilo je u drugostepenim privrednim predmetima 116 dana i vanparničnim predmetima 98 dana, ali ni to prekoračenje nije značajno veliko u odnosu na prethodnu godinu. Do ovog prekoračenja došlo je zbog velikog opterećenja sudija koji su zaduženi sa velikim brojem neriješenih predmeta i svaki sudija na građanskom referatu zadužen je u prosjeku sa oko 150 predmeta, što predstavlja normu od deset mjeseci svakog sudije koji radi na ovom referatu, bez priliva novih predmeta i objektivno zbog velikog broja predmeta ne mogu se ispoštovati predvidivi rokovi, iako je u odnosu na prethodne godine značajno smanjeno opterećenje sudije sa ukupnim brojem neriješenih predmeta, jer je došlo do povećanja broja sudija. Na ovom referatu do

28.02.2024. godine radilo je 22 sudija, a u mjesecu februaru 2024. godine stupio je na dužnost novi sudija koji je izabran u prethodnoj godini, tako da na građanskom referatu radi ukupno 23 sudija.

Na prvostepenom krivičnom referatu došlo je do prekoračenja predvidivog roka u 1 krivičnom predmetu, jer se radi o predmetu koji je složen i u kojem krivični postupak zbog složenog dokaznog postupka traje duži vremenski period. U jednom broju ovih krivičnih predmeta, predmeti se zbog procesnih razloga ne mogu staviti u rad, jer su optužena lica nedostupna i protiv njih su raspisane potjernice. Prije svega radi se o predmetima ratnih zločina koji su zbog nedostupnosti optuženih lica blokirani i ne mogu se raditi, kao i u 12 ostalih krivičnih predmeta u kojima su osumnjičena, odnosno optužena lica nedostupna. Na ovom referatu trenutno radi 5 sudija, jer je šesti sudija otišao u penziju u novembru mjesecu 2024. godine. Prioritet u radu imaju predmeti ratnih zločina, organizovanog kriminala i korupcije, te se ovi predmeti, ukoliko postoje procesne pretpostavke trebaju uzimati kontinuirano u rad i u tim predmetima zakazivati glavne pretrase i nastavke pretrasa u što kraćim rokovima.

Na drugostepenom krivičnom referatu u 3 riješena predmeta došlo je do prekoračenja predvidivog roka, a riješeno je ukupno 203 predmeta u ovom izvještajnom periodu, od čega 200 u predvidivom roku, a u optimalnom roku 109, a sa prekoračenjem predvidivog roka 3.

Na drugostepenom prekršajnom referatu nriješeno je ukupno 208 predmeta, od čega u optimalnom roku 205, a u predvidivom 208, a nije bilo na ovom referatu predmeta koji su riješeni sa prekoračenjem predvidivog roka. Prekršajne predmete trenutno radi dvoje sudija i ovaj referat je izuzetno ažuran.

U ostalim vrstama postupka i to u zemljišno – knjižnim predmetima, od ukupno završenih 29 predmeta, 17 je završeno sa prekoračenjem predvidivog roka. Takođe, od 23 završena prvostepena krivična predmeta jedan je završen sa prekoračenjem predvidivog roka, kao i u predmetima upravnog spora, gdje su 4 predmeta završena sa prekoračenjem predvidivog roka od ukupno 210 završenih predmeta.

Broj neriješenih predmeta na kraju izvještajnog perioda je 3.578 predmeta, što znači da se smanjio broj neriješenih predmeta za 1.068 predmeta u odnosu na početak godine i to iz razloga jer se povećao i broj sudija u sudu. Prosječno trajanje riješenih predmeta iznosi 360 dana, a prosječno trajanje neriješenih predmeta iznosi 302 dana, što predstavlja značajno smanjenje u odnosu na prethodnu godinu.

Problem predvidivih rokova ne bi bio toliko izražen da sudije rade samo zaostale neriješene predmete koji su određeni Odlukom o predvidivim rokovima sa danom 01. januar 2024. godine, ali problem postoji jer se predmeti u ovom sudu rješavaju prema Planu rješavanja predmeta, te ukoliko je predmet star i došao na rješavanje po žalbi u ovaj sud, uzima se odmah u rad, pa stoga postoji nesklad između Plana rješavanja predmeta i Odluke o predvidivim rokovima prema kojoj se predmeti trebaju uzimati u rad prema starosti inicijalnog akta kojim je pokrenut postupak pred ovim sudom.

Analiza raspoloživih resursa u sudu:

Kantonalni sud u Tuzli pokriva područje 8 općinskih sudova i obzirom na broj sudija i stručnih saradnika u tim sudovima i predmete koji dolaze na rješavanje po žalbi u ovaj sud nije moguće rješavati predmete u predvidivim rokovima. Kao i u prethodnim godinama postoji nesrazmjer između broja sudija ovog suda i broja sudija općinskih sudija i stručnih saradnika. Sa 30.06.2024. godine u Kantonalnom sudu u Tuzli radilo je 31 sudija, uključujući i predsjednicu suda, s tim što je jedan sudija dodatni sudija.

Obzirom na veći broj sudija, realno je očekivati bolje kvantitativne rezultate u pogledu rješavanja predmeta u odnosu na prethodnu godinu.

I u 2024. godini u ovom sudu je izražen problem nedostatka administrativno – tehničkog osoblja (daktilografa) koje bi bile u funkciji podrške rada sudija, jer obim posla koji se povećao radom na CMS-u i konstantno povećava, zahtijeva da svaki sudija ima svog saradnika – daktilografa, a što zahtijeva i dodatna sredstva u budžetu. Posebno naglašavamo, da su sve sudije maksimalno angažovane na svojim referatima, te da u skladu sa donesenim Planom rješavanja predmeta rade stare predmete i dosljedno se pridržavaju tog plana, kao i Plana rješavanja stečajnih predmeta i predmeta proizašlih iz stečajnih postupaka koji je bio na snazi u prvom kvartalu 2024. godine, a prema Zaključku Visokog sudskog i tužilačkog vijeća Bosne i Hercegovine više nije potrebno donositi poseban plan za ove predmete, nego će se ovi predmeti unositi u planove rješavanja predmeta.

Analiza „perioda neaktivnosti“ u predmetima:

U ovom izvještajnom periodu u Kantonalnom sudu u Tuzli je na snazi Plan rješavanja predmeta, te se u skladu s tim Planom sačinjavaju kvartalni planovi i predmeti dodjeljuju sudijama u rad prema starosti inicijalnog akta kojim je pokrenut postupak pred općinskim sudom i prema starosti faze kojom je predmet zaveden kod ovog suda. Predmeti u sudu su ravnomjerno raspoređeni na sve sudije, tako da su u pogledu ukupnog broja predmeta sudije ravnomjerno opterećene. U nekim prvostepenim krivičnim predmetima zbog raspisanih potjernica protiv optuženih lica, predmeti su neaktivni i ne mogu se raditi, tako da su u CMS ti predmeti određeni kao nerješivi. Na građanskom referatu i drugostepenom krivičnom referatu, postoji opravdana neaktivnost rada na predmetima, jer sudije objektivno zbog velikog broja zaduženih predmeta i pritvorskih predmeta, ne mogu predmete uzeti u rad, jer 85% mjesečne norme isključivo rade stare predmete, a preostali dio norme od 15% pritvorske predmete, predmete nasilja u porodici, privremene mjere, kao i ostale predmete po zakonu hitne prirode.

U građanskim predmetima, ali u neznatnom broju predmeta, postoji neaktivnost u predmetima, jer su predmeti od strane građanskog vijeća ovog suda, vraćeni prvostepenom sudu na izviđajne radnje prije odlučivanja o žalbi i takvi predmeti su u CMS sistemu označeni kao nerješivi.

Prijedlog mjera kako bi se utvrđeni predvidivi rokovi skraćivali i približavali optimalnim rokovima:

- Potrebno je u Kantonalnom sudu u Tuzli u narednom periodu izvršiti popunjavanje sistematizacije suda sa stručnim saradnicima koji bi bili u funkciji podrške rada sudija, posebno na krivičnom referatu, gdje su sudije izuzetno opterećene predmetima svih vrsta. U sistematizaciji ovog suda sistematizovano je 6 pozicija stručnih saradnika, a samo je jedna pozicija popunjena, dok ostalih 5 nije. Naime, jedan stručni saradnik je prošle godine izabran za sudiju u Općinski sud u Živinicama, tako da postupak zamjene stručnog saradnika provodi Agencija za državnu službu Federacije Bosne i Hercegovine i taj postupak obično traje oko godinu dana. Za popunu te pozicije sud je dobio saglasnost Vlade Tuzlanskog kantona, ali nije dobio za popunu preostale 4 pozicije stručnih saradnika, jer je potrebno u Budžetu suda obezbijediti sredstva za tu namjenu.
- Potrebno je izvršiti popunjavanje upražnjenih pozicija administrativno – tehničkog osoblja koje je u funkciji podrške rada sudijama, jer je značajan broj zaposlenika ove kategorije u ovoj godini otišao u penziju. Za 4 pozicije viših referenata za administrativno – tehničke poslove sud je dobio saglasnost za raspisivanje oglasa i taj postupak je u toku.

- Visoko sudske i tužilačko vijeće BiH kada postoji mogućnost u skladu sa zakonom, treba koristiti institut delegacije sudija iz sudova koji su ažurni u sudove koji imaju veliki broj neriješenih predmeta, jer jedan dio kantonalnih sudova nemaju predmeta za rad, a sudije u tim sudovima nisu zainteresovane da budu delegirane na rad u drugi sud.



PREDSJEDNICA SUDA

Indira Hadžimehmedović